

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Cur ex parte hominum indigni ad honores promoueantur?

urn:nbn:de:hbz:466:1-45699

342 Cap. XXIX. Cur tam malis, quam bonis honores obueniant?

Manut. loc.
cit.

Denuo, indicate. Enim uero etiam ipse magistratus, qui recte sentit, nequaquam vult se magis, quam Deum honorari, aut sibi obediri, contra leges Dei. Legimus Antiochum III. ciuitatibus scripsisse: Si quid per litteras iuberet legibus repugnans, ne curarent, perinde quasi ipso nescio scriptum esset. Quoties igitur duo, vel plures concurrunt, qui simul eiusdem officij, aut honoris non sunt capaces, utique iustitia distributiua exigit, ut dignior praeferatur. Maximè autem, quando de Religione agitur. Obedire oportet Du magis, quam hominibus. Semper autem quando inter Deum & hominem honoris tritioa agitur, ita loquitur cultor pietatis: Ego vera gloria, & exultatio sancta, gloriari in te, & non in se: gaudere in nomine tuo, non in propria virtute, nec in aliqua creatura delectari, nisi propter te. Laudetur nomen tuum, non meum: magnificeur opus tuum, non meum: benedicatur nomen sanctum tuum, nihil mihi auctem attribuatur de laudibus hominum. Tu gloria mea, tu exultatio cordis mei. In te gloriabor & exultabo tota die, pro me autem nihil, nisi in infirmitatibus meis.

VI.

Maior questio est, cur indignis immeritisque Deus permittat honorem obtингere, & verò ipse honorem offerat? cuius multæ sunt causæ iustissimæ, quarum nonnullas, suprà iam perfrinximus. Nam. 1. Ex parte hominum. 2. ex parte dæmonum. 3. ex parte Dei causæ possunt assignari. Ex parte hominum, ignorantia, malitia, fortuna, indigni honore honestantur. Ignorantia enim multis euehit, qui putantur pii, prudentes, docti, cum sint sceleribus pleni, bardi, rudes; quod si constaret, utique non extollerentur; & si tam facile esset eos de gradu deiijcere, quam est illis gratum ponи in alto, non utique multi soles occiderent, nisi sceptræ, aut quemcumque clavum tenentibus. Cumulantur alii honores, quorum improbitas non est occulta, quorum stoliditas, quorum ruditas est satis cognita; malitia mortalium est adeò projecta, ut mandare honorem vel indignissimis non vereantur. Dummodo sit charus, dummodo fauorem, vel suffragium emerit aliquis; dummodo sanguine vel amicitia sit iunctus, iam magistratus, iam solio dignus perhibetur. Atqui libero hominem arbitrio electus est, potest igitur vel malitiā ut, vel iustitiā in officijs titulisq; largiendis. Cuius rei ubique se se offerant agminatim exempla.

Adeò,

Adeo, ut plures passim, qui immeriti, quam meriti ascenderint ad honorem, reperiantur. Vnum strictum dabo exemplum, in quo malitia humana, contra suam voluntatem, alterum extulit. Prior quidam Ordinis nostri, ait Cælarius, defuncto Abbatte suo ad abbati quemdam de domo eadem ob infamiam eiusdem nominauit; sciebat enim Prioris auctoritatem non esse modicam, & si aliquem de Conventu nominaret, per hoc suam electionem posse infirmari, & se in suo desiderio impediri. Factum est, nutus, ut creditur, diuinus, ut ceteri, eius exemplo, eamdem personam eligerent, dicentes intra se; Prior oculus noster nec talem personam nominasset, si ei de illius innocentia non constaret. Forte fidem Prior simpliciter ambulasset, factus esset Abbas. Et satis puto, quantum ex verbis cuiusdam Abbatis, qui mihi retulit conijcio, quod tantum fuerit cruciatu*s* in eiusdem monachi promotione, quantum ille tribulatus extiterat in sua electione. Ecce si astutos & dolosos puniit etiamsi in presenti Deus, de tribulatione, confusione, & de electione Pralatorum Ecclesie, hodie magis quam ante nostra tempora abundant exempla. Et hoc forte idèo, quia DEI voluntas in illorum promotione non fuit. Ipse regnauerunt, & non ex me, principes extiterunt, & non cognoui. Verba sunt Dei per os Osee prophete. Denique si quidquam fortes, si fortuna, si casus in hominibus potest, etiam hac via ad dignitates graviantur.

Sifortuna volet, fies de Rhetore Consul:

Si volet hac eadem, fies de Consule Rhetor.

Dæmon quoque sæpenumero*r* est author, ut boni non succedant, & eorum loco mali honoribus florent, occupentque & nomen, in Republica, & dignitatem. Sic alios à virtute auocat, alios illicit in vitia; alios, ne veritatem videant, inescat vanitate. Henricus Teutonicus, vir æquè pius, ac doctus, in Ordine Patrum Dominicanorum, prouinciae Transmarinæ præterat. Visitabatur de more aliquando Ptolemaidem, quæ alio nomine Aco, & Accon solet appellari. Ea in ciuitate, cum apud Fratres suos esset, à coena, eos pia adhortatione reficiendos extra coenobium duxit, in amoenum quemdam locum, ad occiduam urbis partem propter mare situm. Iam in orbem omnes humi considerant, cum à litore

Cæsarins.lib.
6. illustr. mi-
rac. cap. 20.

VII.

Thom. Cam-
tipr. lib. 2 A-
pum. c. 57. §.
29.